

節 自造惡業重重頭皮改換苦楚經多劫爭似抽身聞早省
時把狂心休歇世網衝開玄關撥轉自得真仙訣功成歸去一
輪江上明月

喜遷鶯

欲明真趣便掃蕩多少亡羊歧路脫落皮毛惟存真實絕盡向
時行步一朵玉蓮開展不受纖塵點污收絳雪飲玄霜依舊神
丹圓聚 自得無疑慮獨向翠微手植無根樹顛氣橫空靈源
浴月光彩一時揮布萬斛寶珠莫比擁護收藏堅固神莫測鬼
難呼功滿驂鸞歸去

水調歌頭

道藏輯要

雲山集

二

肆

又昇集六
川上三

端坐懶成癖雲水與何加襟懷洗盡塵物別有好生涯選甚瀛
洲仙闕開市花街柳陌觸處是光華切莫問龍虎白雪與黃芽
不耽詩不殢酒不拈花從來本面公事何必向人誇晝覽故
山風物夜被玄天星斗百衲掩雲霞神鬼莫能測頃刻遍河沙

其二

徹底探囊篋那得一錢看從來底事活計不與俗相干似得飲
中賢聖滌盡澆心酪盻令眼視塵寰斬斷利名鎖踏破死生關
做些癡撒些懶放些頑六門拖拽不出蟄窟且躑躅別有非
常手段拈聚虛空一片澄澈夜光寒會得箇中意何必問三山

其三

興廢閱青史榮辱夢黃糧空華電影蹤跡謾弄恰如狂分外爲
蛇添足不省狙公賦芋憂喜兩相忘回首舊鄉國風物盡荒涼
百年身彈指頃髮成霜人間更莫理會安穩處承當靜夜月
明風細相對雲朋霞友談笑與何長一椀洗心茗一瓣劫前香

其四

漂泊異鄉客踏碎軟紅塵歸來處處庭戶簾幙捲黃昏南北東
西行色費盡芒鞋多少何處覓天根光曜問何有亘古窅然存
入無何遊太漠越崑崙風仙底箇消息未許等閑聞亂眼空
華零落桂魄團圓如舊穿透水無痕尙賴扶搖伯高捲嶺頭雲

憶法眷伯瑜老

道藏輯要

雲山集

伍

又昇集六

相遇會心友目擊契金蘭登天遊霧莫逆雞黍不相干常記嵩
嵒亭下俯看茫茫滄海揮塵笑談聞霞捲鎮陽北雲隱鶴山顏
歲華遷人事革忽盟寒芒鞋藜杖猶在唯憶叩玄關但願心
圓如月表裏虛凝澄澈密密運樞環一點迥無別千里共同看

滿江紅慢

勉劉主簿

眩目空花紛紛盡如繩緘縛軟紅塵堆裏汨沒認爲真樂二陸
來時忘後患兩疏見處誰先著正夢魂隨蟻到槐安何時覺
興廢事會著莫繁華盛還銷落更不須人勸自宜斟酌古鏡磨
開塵外境隋珠枉彈簷頭雀待悟時回首進前程蓬萊約

其二